

Q U Æ S T I O M E D I C A

QUOD LIBETARIIS DISPUTATIONIBUS MANE DISCUTIENDA

IN SCHOLIS MEDICORUM DIE JOVIS V. FEBRUARII

M. JACOBO THEVART Doctore Medico, Præfide.

An Panis spumâ cervisæ fermentatus minus salubris?

I NTER cibos qui corporis nostri substantiæ assimilantur, nullus est pane præstantior, nullus salubrior; A pueris, juvenibus, senibus, omni tempore cum omnibus edulis & obsoniis expetitur & editur; ac ut cibi absque sale insipidi, ita nullum suave edulium sine panis adjumento: tanta est illius suavitas & bonitas, ut omnia penè animalia fastiditis carnisbus panem ferantur avidissimè; morbos incurfuri aut in ipsis constituti, quando nulla ciborum blandimenta movent, nullaque invitat orexis, panem nihilominus appetunt & degustant: qui se recolligunt à valetudine, primam voluptatem ciborum in panis gustatu experiuntur: Ventriculo is acceptissimus, ab eo bellè conficitur, velut à jecore in succum vertitur optimum temperatum & minimè excrementitium: nullo itaque alimento magis continetur vita quam pane optimo: salubrius vivunt, qui eo solo vescuntur, infelicius qui varietate ciborum & obsoniorum eruditò apparatus delectantur: placent nonnulla cibaria dulcedine acore, alia fædèdine odore; solus panis omnium eduliorum suavitatem in se continet, cujus satietas neminem capit; ea cum illi undique accedat commendatio velut inter esculenta primas tenent, in eo conficiendo nulla non est adhibenda cura.

I N parando pane optimo plurimùm refert idoneam materiam nosse. Hæc triticum est in farinam comminutum, aqua, sal & fermentum: ut lautus & elegans panis fiat è tritico farina sit flavescens, maturo, tincis & pulvere non inquinato, solij semine repurgato, pruinâ non vitiato, quæ nec imbre sit madida, nec ex asseruatione factens: ad mixtionis rationem, aqua fontana seligatur, aut fluvialis è medio hausta alveo, non putealis, non lacustris, egelida potius quam frigida: sal marinus assumatur, non fossilis, nec de muria conditarum carniùm extractus, nec de piscium lotionè educus, nec de nitri lixivio factus: fermentum vulgare multis retro sæculis usurpatum adhibeatur, quod farina est ad formam pulvis redacta & cooperta donec acefcat, cujus portione iustâ diligenter manuum versatione & subactione elaborata massa fermentescens, crescit in molem, & attenuatis partibus aëreæ qualitatis utiliter multum concipit, sic panis qui tum salis, tum fermenti laudabilis quod satis est habet, qui bene subactus, bene coctus, tener, niveus, mollique filigine factus, qualis Gonesianus, omnium ut lautissimus, ita & saluberrimus, qui facile concoquitur, facilius distribuitur & sanguinem laudabilem gignit. Apage eos qui pro condimento pani adjiciunt ova, lac, crocum, mel, saccharum, butyrum, caseum, non panis ex iis, sed placentæ sunt, rhyemata, lachana, aliæque crassioris succi cupediæ quæ jecoris meatus obstruunt, lienis imbecillitatem augent calculoque in renibus cogant.

F E R M E N T I vis omnis acori debetur, cave tamen laudabile fermentum ab aceto, vel omphacio expectes utilemque fermentationem; vulgare apud omnes gentes receptum innocens sed illud non ætate evanidum, non magis quam par sit acefscens & biduo triduoque ad summum antequam panificio statuta dies accedat ad usum repositorum: recentioris ætatis popina potius quam schola medica cervisæ spumam in illius locum sufficit cujus ope pasta fermentescens citius quidem in maximam molem tumet sed cum sanitatis dispendio, cujus vi panis fit rarior & levior, sed non salubrior: Nempe excrementitia est substantia liquoris in modum sese à cervisâ separans, dum innato calore effervesceat ac fermentatur, quæ una cum sordibus pellitur foras fecernitur & ad usum asseratur: spuma illa calida & sicca est acris, statulenta, aspectu fœda, ingrata gustu, odore terribili, quæ æstate dum calet momento corrumpitur & vitiorem quibus cervisâ scaret pravam qualitatem redolet. Quippe non minus damnum à cervisâ spuma quam ab ipsâ expedandum, quæ vel si paraturam speciem morborum variorum origo reputanda: hordeum vel triticum putrefcens, mox torrefactum, insalubris potus vulgata materies est, una cum lupulò cui aqua aliquando limosa velut convenientior affunditur. Alij malum in ejus lixivio aquæ vice maceratum deco quendum putant ut compositam simulque gratam, sic loquuntur, portionem conficiant; alij pro lupulo lupulive floribus, camini fuliginem sufficiunt, aut aqua falsa maltum macerant quo acrius linguam radat & sitiantur magis cervisâ, quo plus sunt potæ; Et erit qui hujus ingrata & visiofæ potionis sordes salubres esse ac utiles pani conficiendo judicabit?

P A N I S ex cervisâ fermento confectus initio quidem levior & suavior verùm citissimè alteratur & rescitur; ejus dum *feris & quærens* fit in ventriculo, sanguis fervidior generatur, seri acris & mordacis magna colluvies colligitur, succus omnis in corpore labefactatur, illaque ipsa tunc sunt expectanda quæ à cervisâ potu sequuntur incommoda. Quippe sanguis noxiâ qualitate imbutus partibus principibus *deventis* labem latenter inurit; quam citius incurrunt nobiles & delicati, qui noxas qualcumque difficiliter ferunt: diceret idem proflus illis contingere ac quod frigidiorè nivatoque potu utentibus observavit Galenus: scilicet primo quovis occurfu quamvis cervisâ ejusque spuma nullum corporibus sensibile vitium inferat, sensum tamen & occultè assiduo usu crescente malo, articulos laxat, nervos tentat, & viscera morbis afficit, magnis, difficilibus, *avidis*; hinc non fæto sed ante diem multi corruptis omnino visceribus intereunt; hinc serum effertur in morbis jam utramque paginam facit; & vinum quod maxime palato arridet, jecoris & pulmonis substantiam labefactat, & sui amantissimis clam tandem jugulum petit; Sic natura tamquam fenerator has voluptatum ufuras reposcit ultra modum falsæ concupiscitur. Certè hujus fermenti noxa, vel ex eo patet quod lac infantibus & senibus conveniens alimentum, tabidis, dysentericis, arthriticis utile medicamentum, veneno infectis potentissimum alexipharmacum, propter sic fermentatum panem statim acefcat & corrumpatur in ventriculo eorum qui solo pane & lacte utuntur.

F R U S T R A sunt qui panis cervisâ spumâ fermentati tenuitatem laudant & suavitatem, si desit bonitas & salubritas à medico præcipuè expetenda: fungos helvellas & boletos ita condiunt coqui, & in honorem adducunt, ut nihil possit esse suavius, quæ non minus voluptuaria venena censentur; nihil fructibus jucundius, ex quibus tamen gratiores se in bilem vertunt, cholerae, dysenteria & sæpe febrium putridarum causam. Si fermenti illius apud antiquos superfluum vestigia, superfluum & glandium efus, quas inventis frugibus, nemo degustare velit: neque putes liquorem hunc sive spumam excrementitiam ex qua panis fermentatur puriorem esse cervisâ parrem, spiritum ejusque substantiam, cremori lacti similem, sinceriori & tenuiori substantiæ vini analogam quæ in vini dolis supereminet, merum est cervisæ excrementum, acre, mordax, amarum, panem vim noxiam inducens, quem amarum, siccum, ingratum & insalubrem reddit: vinum post aquam potulentorum optimum & cordi amicum, dum fervet in dolis, mel & saccharum dum conduuntur fructus, carnes dum coquantur spumam crassam, sordidam & feculentam ebulliunt & eructant, quam nemo velut spiritibus vivificis turgentem ad cibarios usus traducere tentaverit; multominus cervisæ spumam, quæ plerumque concreta, arida, sicca, acris & erodens è longinquis regionibus asseritur.

Ergo Panis spumâ cervisæ fermentatus minus salubris?

DOMINI DOCTORES DISPUTaturi

M. Guillelmus Petit.
M. Henricus Mabieu Chirurgiæ Professor.
M. Claudius Guerin.

M. Paulus Mattor.
M. Carolus le Long.
M. Ludovicus Morin.



M. Ioannes de Bourges.
M. Michaël de la Vigne.
M. Petrus Perreau, Pharmacia Professor.

Proponebat Lutetiæ FRANCISCUS BAZIN, Constantiensis, A. R. S. H. 1671.